

湘痕吟草

戊申冬月梁溪
鄧詠蓁署簽



湘痕吟草

戊申冬月梁溪
鄧詠蓁署簽



蔡君南平之遺像



觥觥蔡子憂時愛國菩薩其心金剛其色
氣吞雲夢渡江擊楫斷髮胡服東走日出
文明之海酌其一滴累學積長補天鍊石
老母見召百憂交集襁被遄歸中途輟業
爲奴爲隸悔恐無及百折不回誓達目的
成聖成佛爭此一日普救衆生丈夫之責
千秋萬歲銅像屹立

癸卯冬臥病不能歸起國

崇明蔡日曦南平自題

像 肖 者 作



世間憂樂不均勻
盡艱辛志未伸
自惜匡時好才
調被天
派作未上人

學詩自述



自序

淑懿少好吟詠恒以未得門徑爲苦年十七隨侍 家君於湘垣時方習
女紅益不暇爲詩甲午 從外祖黃吟梅先生來湘課吾弟先生固工詩
者暇以唐人萬首絕句授余乃稍稍學之踰年先生歸道山遂乏師承竟
廢焉及 家君宰瀘溪安化 舅祖蔡芝軒先生來襄幕事喜賦詩詩成
輒命余和乃復爲之戊戌余與南平結禰於湘中南平喜縱覽能文章然
雅不欲以文人自命則時以多閱書報勗余余深慙之遂不復以詩爲事
庚子冬隨南平省 吾姑於里第居無何所產兒殤悲之甚時 家君繼
宰道州命余仍往隨侍而南平亦遊學鄂垣壬寅 家君入覲南平隨之
至京而余又殤次兒感逝懷人聊以詩自遣耳其年冬南平入京師大學
堂明年夏留學日本甫數月以母病回里甲辰春將復東遊會 吾姑棄

養南平以哀毀過甚亦卒相去僅七日耳余時遠在武岡聞電奔喪痛不欲生者累日適家君寄諭云吾向不以尋常女子視汝汝其善體吾心也可乃勉奉庭訓不敢復萌死志既而檢讀遺命有悲傷事可發於詩歌之語爰爲詩三十首以誌哀悼痛心泣血不復求辭之工也自後索居鄉中不出戶庭者凡二載服闋任本邑尙志女塾教務弟子有喜余詩慇懃付梓者始出篋中舊稿合之近作得如干首命曰湘痕吟草非以問世誌哀焉耳嗟乎余詩既不足存志又不僅欲以詩見然十餘年所辛苦而僅得者舍此更無餘事也不亦悲夫邇來授課鮮暇體益羸弱後有所作不知視曩者何如姑刻之以貽弟子亦以見余所遇有足悲者戊申冬月
崇明施淑懿

847.9
628



3 0474 6856 0

湘痕吟草目次

讀外叔祖黃吟梅太夫子書賦詩奉答

雪窗對酒

登樓望嶽麓山

賦謝道韞詠絮事

再賦詠絮事

冬夜讀書

日長添線

元旦

元宵

木蘭

湘痕吟草目次

漸痕吟草 目次

買蘭

待月

詠映雪讀書

聽雨

春草

月下吹簫

掃石題詩

小女夜縫裳

春鳥

瀟湘春曉

竹

詠彈琴

賞雪

和蔡芝軒舅祖署後晚眺次韻二首

和芝軒舅祖登瑞蓮堂眺望

和芝軒舅祖晨登署內小樓

和芝軒舅祖重訪紫雲山二首

和洪弟

和芝軒舅祖惜梅

和芝軒舅祖遊春偶成

小樓聽雨

上巳和舅祖韻

春景次舅祖韻

杏花春雨

蝴蝶花

讀韓蘄王傳次舅祖韻

和舅祖詠捲簾美人二首用捲簾體

和舅祖詠荷

張世伯母以親畫紈扇見惠作此以贈

和舅祖登樓二首

秋葵花和舅祖原韻

仿沃州山人詠牡丹卽次原韻

秋蝶

七夕

月下詠桂花

中秋玩月

和舅祖中秋望月原韻

和舅祖詠芙蓉原韻

詠窗前菊

瑞雪吟

己亥春日卽景與南平聯句

哭黃翰申舅氏四首

和舅祖迎春詩原韻

詠梅

湘痕吟草 目次

新柳

明妃

西施

楊妃

讀岳武穆傳

道州署小除夕偶成

春日卽景

三妹結禱於道州署內偶得二絕以贈

送三妹之京都兼寄洪弟

途中得旅懷四則示洪弟

茉莉

署西傍山晚眺和舅祖韻二首

八月望日逢京兆試感懷夫子郵寄京師

夜泊衡陽

感念 茲姑敬以四則寄呈

寄南平時遊學東京

又寄南平

再疊前韻寄南平

秋感七首

秋思二首

寒夜二首

盆菊

湘痕吟草 目次

春思

冬至

春柳四首用漁陽山人秋柳韻

感詠六首寄南平

春日登樓眺望贈族兄贊承

在武岡州署

和蔡芝軒舅祖遊春原韻

武岡署後園卽景

二月十八日曉粧卽景

環翠樓春眺

春雨感懷

壬寅冬題夫子書後二首

元宵感詠二首

聞雷有感寄南平并序

甲辰三月郵寄南平

哭南平三十首

追悼二首

感懷四首

週期日感悼五首

讀報有感

乙巳三月接奉 家君手諭賦此寄呈

乙巳重九日示祥兒二首

悲秋

湘痕吟草 目次

言志二首

感懷二首

式微八章

感懷

乙巳除夕隨筆書感

次施南王女士蓮雜感韻七首錄五

尙志女塾成立喜詠二則

放足會二首

哭亡嫂李安人三首

補錄途中聞夫子訃

三十初度二首

示女弟子二首

補錄壬寅春 家君北上弟妹輩隨侍入都感賦一律

丁未清明偕全體學生登金鰲山二首

示諸生二首

病中雜感二首

夜夢夫子

屈指生別三年死別五載昨夜夢中凄然相對不發一語醒而生感

見夫子遺像

夫子安葬

丁未赴湘省親夜泊洞庭感賦二首

抵長沙

自長沙隨侍起程

月夜重過漢陽

九江舟次

金陵懷古

重登虎邱山

送亦民姊隨宦京師四首

九月初五夜作二首

初六夜枕上口占

初七夜卽事三首並示鳳嫻鳳如姪女

與張蘭秋表妹夜話二首

己酉元旦寫懷二首寄都中三妹兼示亦民族姊

春日雜感二首

憶昔

二月初九日先姑忌辰設祭於城外寒山寺書此誌感
十五日亡夫忌辰設祭於寒山寺感賦二首

湘
痕
吟
草
目
次

湘痕吟草

崇明蔡施淑懿學詩著

嗣男鳳彬謹錄



讀外叔祖黃吟梅太夫子書賦詩奉答

早起吟詩韻最清。平安報到倍關情。來書敬奉雙親看。教寫紅箋賀幾聲。

雪窗對酒

窗明几淨景澄清。把酒消寒却有情。今夜雪飛風色冷。不知明日可天晴。

登樓望嶽麓山

倚樓遠遠望分明。嶽麓山如列畫屏。烟火萬家城四面。滿湖風月自天成。

賦謝道韞詠絮事

曉粧纔罷手分絨。雪散如花墮半空。詠絮才高誰繼武。至今徒仰謝家風。

再賦詠絮事

漫天飛雪撲簾櫳。繡閣圍爐火正紅。欲賦新詩頻擲筆。難超柳絮起因風。

冬夜讀書

小院梅香雪尚封。寒燈一點愛三冬。讀書有味忘深夜。遠聽深山古寺鐘。

日長添線

少女深閨刺繡忙。停針最是惜年光。較量日影無人覺。添得工夫一線長。

元旦

爆竹聲聲欲曉天。桃符新換日華妍。屠蘇願爲雙親獻。喜氣盈門又一年。

元宵

皓月初圓轉碧空。滿街燈火路西東。誰家院落笙歌起。笑語銀花火樹中。

木蘭

戎粧新改出關行。一片丹忱萬衆傾。莫道閨中無血性。男兒幾個與齊名。

買蘭

百般紅紫鬪芬芳。不及幽蘭有國香。聽得賣花聲朗澈。玉人對鏡試新粧。

待月

玉人倦繡愛清秋。風動珠簾露氣浮。明月未來勞久待。無言獨自倚高樓。

詠映雪讀書

爲愛分陰肯早眠。膏油不繼夜燈燃。雪窗喜有光堪借。讀到雞鳴欲曉天。

聽雨

小樓閑靜坐深宵。花落銀缸興欲銷。忽聽雨聲飄細碎。窗前悔煞種芭蕉。

春草

珠簾不捲懶梳粧。碧草絲隨別恨長。蛺蝶紛飛春欲暮。征人猶是滯他鄉。

月下吹簫

露濃星淡夜蕭條。月上梧桐把酒邀。獨坐涼亭饒逸興。自翻新譜愛吹簫。

掃石題詩

名園花木繞清溪。時聽幽禽自在啼。觸景生情詩興起。呼童掃石好留題。

小女夜縫裳

紅窗燈影透明光。靜閉深閨夜繡裳。不願停針添弱線。舞衫縫送小蠻房。

戲用白香山小女意

春鳥

枝頭小鳥向春鳴。得意嚶嚶豈不平。烟柳叢中聲宛轉。幽齋靜聽最怡情。

瀟湘春曉

艷說瀟湘景。出塵芳辰雅趣最。宜人禮闌沅芷含朝露。無限芬芳獨占春。

竹

幽篁拂檻暑全收。酷愛森森左右修。欲把瑤琴三五弄。一簾明月勝清秋。

詠彈琴

橫琴爲愛月華明。竹徑生涼鶴夢清。滿指蟾光三弄罷。一簾風露自天成。

賞雪

瓊花六出散天空。昆仲聯吟柳絮風。窗外寒梅應遜白。圍爐煖酒雪初融。

和蔡芝軒舅祖署後晚眺次韻二首

酬罷新詩送夕陽。倚樓貪看好風光。徘徊更待山間月。對飲相邀快舉觴。
西山眺望四時春。雙塔蒸霞接水濱。極目縱觀郊外景。黃鶯先報詠花人。

和芝軒舅祖登瑞蓮堂眺望

小樓背郭隱深藏。酌酒樽前樂趣忙。共話梅山好風景。楓林一角掛殘陽。

和芝軒舅祖晨登署內小樓

參差宮殿倚樓看，署後有萬壽宮初轉陽春氣尚寒。
曉望青山如帶笑，微風吹動竹千竿。

和芝軒舅祖重訪紫雲山二首

重登絕頂紫雲山，歷過巉巖轉曲彎。
可羨壯遊能健步，高年先比少年還。
歡隨繞膝有餘思，喜着萊衣舞綵奇。
漫笑女郎無血性，木蘭粧改勝男兒。

和洪弟

禪林遊處梵鐘傳，靜坐深山聽晚泉。
膝下歡娛言不盡，雙親種福澤綿綿。

和芝軒舅祖惜梅

最愛纖纖月出時，瑤臺仙種鬪丰姿。
任君誇盡江南景，不及梅山第一枝。

梅山係安化別名

和芝軒舅祖遊春偶成

安步輕車不動塵。千紅萬紫鬪芳春。試看陌上穿花蝶。引惹樓頭覓句人。載酒曲江鶯勸客。題詩禪榻鶴隨身。風光到處堪誇賞。歡樂由來自有因。

小樓聽雨

小樓閒寄異鄉身。花落銀燈雨正勻。溜響簷前人未睡。風吹原上草先春。八行音信魚常阻。一夜愁心雁警頻。感動離懷眠不得。詩成窗外已侵晨。

上巳和舅祖韻

最愛陽和上巳辰。柳梢輕拂畫堂春。庭花濃艷霏窗畔。園竹參差護水濱。金谷鶯招攜酒客。瓊樓燕喚捲簾人。幾回擱筆憑欄賞。桃李幽蘭次第新。

春景次舅祖韻

韶華滿眼興無邊。閒立東風意快然。桃李無言惟帶笑。芝蘭有品不爭妍。

家家曉院飛蝴蝶。處處春山叫杜鵑。遙望杏花村裏景。酒旗飄動綠楊煙。

杏花春雨

郊原春景畫難成。一抹迷離罇曉鶯。四面江城香霧繞。萬家煙靄遠山橫。青旗著雨穿林出。紅杏蒸霞傍郭生。試聽來朝深巷裏。新晴處處賣花聲。

蝴蝶花

休將驚散滿階飛。幾點牆隈夕照微。但對菱花鬢上插。莫教紈扇手中揮。美人嬌嬈新粧罷。仙子飄飄舊夢依。補入滕王圖畫裏。任他莊叟想非非。

讀韓蘄王傳次舅祖韻

跨驢憤別帝王鄉。時局艱危獨舉觴。南渡江山千古恨。西湖風月一人嘗。忠良轉眼消磨盡。詩酒忘懷意味長。且向六橋乘醉過。何須回首問興亡。

和舅祖詠捲簾美人二首用捲簾體

銀鈎初上月。纖纖欲畫蛾眉對。鏡奩粧罷美人身。嬋娜無言獨自捲珠簾。
玉樓高捲水晶簾。雲髻新梳啓寶奩。斜抱秦箏倚明月。蟾光滿指冷纖纖。
和舅祖詠荷

玉立臨風碧浪間。藕花嬌麗遣誰攀。當年香徑西施採。畫漿雙雙盪鳳鬟。
張世伯母以親畫紈扇見惠作此以贈

本是閨中詠絮才。化工著手漫相猜。劇憐四序名花艷。多入春風筆底來。
日長繡閣正炎天。寄寫蒲葵解愠篇。字畫端莊工八體。閨中妙筆邁前賢。
賢名久已滿湘南。德性俱全大體諳。御下寬和饒福澤。小星光被草宜男。
巾幗多才贊治安。閒將詩畫寄盤桓。女郎亦有英雄志。不信時艱濟世難。
和舅祖登樓二首

一山如畫欲迎人。賦罷登樓爽客神。最憶滄江明月夜。故鄉風景入秋眞。

萬疊嵐光秋靄深。登樓頓起故園心。遣懷閒賞郊原景。紅蓼花疎翠點岑。

秋葵花和舅祖原韻

慣依澗谷吐奇葩。頓觸詩翁詠此花。獨愛淡黃舒綺縠。不將紅紫鬪烟霞。夜涼對月增秋媚。曉艷籠紗帶露斜。堪笑侍兒亦風韻。嬌憨爭採傍蒼葭。

仿沃州山人詠牡丹卽次原韻

花稱富貴品矜莊。不類繁華引蝶狂。金屋春酣傾國艷。瑤臺月潤返魂香。一叢絳雪含朝露。五色紅雲捧太陽。絕代風流宮掖貯。丰姿無敵足稱王。

秋蝶

滿天爽氣澹雲收。粉蝶閒飛度樹頭。冷露苑深尋舊徑。韶華春永憶前遊。梧階夢醒三更月。蓼岸情牽一抹秋。預盼來年春景好。皇州花放再相酬。

七夕

誰家。攬。笛。倚。高。樓。銀。燭。清。宵。雅。唱。酬。新。月。如。鉤。秋。夜。永。滿。庭。風。露。看。牽。牛。

月下詠桂花

萬。點。舒。黃。擁。畫。樓。木。犀。滿。樹。錦。成。球。瓊。花。翠。葉。三。更。靜。玉。露。金。風。一。院。幽。仙。境。芬。芳。天。上。夜。濃。香。浮。動。月。中。秋。蟾。宮。舊。種。非。凡。品。謫。墮。紅。塵。韻。不。侔。

中秋玩月

丹。桂。芬。芳。月。影。圓。瓊。筵。開。賞。坐。聯。歡。飛。觴。邀。飲。人。盈。座。橫。笛。吟。秋。客。倚。欄。碧。海。青。天。仙。闕。朗。良。宵。白。露。玉。階。寒。綠。窗。風。定。珠。簾。捲。一。曲。瑤。琴。照。處。彈。

和舅祖中秋望月原韻

紅。橋。明。月。憶。江。南。簫。管。笙。歌。隔。岸。參。龍。榜。只。容。名。士。列。蟾。宮。肯。許。女。郎。探。筵。開。此。際。觴。飛。一。院。落。誰。家。笛。弄。三。對。影。飲。殘。花。下。醉。侍。兒。獻。果。語。喃。喃。

和舅祖詠芙蓉原韻

玉容媚。暈醉顏。來一樹芙蓉。帶露開。檻外霜濃。粧粉艷。庭前雨細。潤青苔。睡餘曉色。臨湘岸。舞罷秋風。傍鏡臺。爲愛鮮妍。吟不寐。月移花影。尙徘徊。

詠窗前菊

今日花開又一年。黃花伴我意纏綿。曉窗佳色供吟興。老圃孤芳挺晚烟。三徑影疏明月夜。半簾香透肅霜天。陶家待到重陽節。舉酒狂歌醉欲仙。

瑞雪吟

瑞雪紛紛散碧蒼。士民歡頌獻霞觴。是日安化士民公上萬民傘德政碑等感而賦此灞橋策蹇尋寒艷。繡閣圍爐理曉粧。小院瓊花饒逸興。綺窗梅萼引詩腸。共唫柳絮因風句。且與諸君卜歲穰。

己亥春日即景與南平聯句

芳園桃李樹。點綴艷陽天。倚檻堪同賞。漱看花屢並肩。東風吹鬢影。暖梨

雨。濕。珠。鋤。聲。和。連。環。格。淑詩吟疊韻篇日長閒。鬪草。曦午倦替裁箋弄笛。
中宵坐。淑挑燈待漏傳。敲棋分勝負。曦得句必爭聯。學賦長門買。淑齊眉。
德耀憐家貧。床有酒。曦春好月常圓。庭院流鶯囀。淑粧臺玉鏡妍。翻書如。
訪友。曦問字證前緣。海內文章貴。淑人間忠孝先。與君隨處樂何必羨神。
仙。曦

哭黃翰申舅氏四首

烏啼月落路三千。幾度傷心幾惘然。笛韻淒涼人縹渺。空留詞賦繼青蓮。
碧天雲渺玉樓居。擊筑悲歌恨有餘。遙念呼兒尋檢處。齋空人去但留書。
望斷鄉關千萬峯。天涯惆悵暮雲重。晚楓飄落吳江冷。化鶴歸來聽曉鐘。
吳山阻隔楚雲天。花落無言聽杜鵑。猶憶瀟湘明月夜。滿湖秋水洞庭船。

母舅於乙未年
來湘秋間回里

和舅祖迎春詩原韻

紫燕低飛報曉春。東風拂拂引遊人。水浮綠膩陽和轉。山吐晴嵐曙色新。
花外青驄嘶隔岸。池中乳鴨浴前津。一番佳景兼佳興。紅袖青衫不染塵。

詠梅

疏影橫窗月轉廊。幽人靜對費平章。獨探清景巡檐笑。盡掃繁華點額粧。
鄧尉此時春似海。羅浮昨夜夢猶香。數枝瀟灑東風裏。處士孤山獨占芳。

新柳

柳刷金絲掛萬枝。伊誰午倦捲簾時。征人聞笛縈鄉夢。少婦登樓感別離。
蘇小門前垂嬈娜。永豐坊內擺丰姿。春旗一色陽和景。處處青山叫畫眉。

明妃

琵琶一曲怨君王。忍遣蛾眉出帝鄉。回首獨憐漢苑月。只留遺恨照銀床。

西施

若耶溪畔浣紗人。獻入吳宮媚態新。千里江山供一笑。蘇臺人去有誰嚮。

楊妃

南內清秋夜未闌。當年私誓女牛歡。而今回首長生殿。更有何人倚玉欄。

讀岳武穆傳

手握雄兵破敵屯。誓將忠憤答君恩。脾飛金字心知僞。城指黃龍淚有痕。宋室江山悲半壁。越州風雨弔孤魂。至今展拜墳前樹。枝葉猶腳萬古冤。

道州署小除夕偶成

聲聲蠟鼓鬧芳辰。一室團圞樂趣真。小婢爭攀梅萼至。已來閨閣報新春。

春日卽景

水綠池塘草綠苔。一番風景自天裁。窗前忽覩桃花放。春向詩人筆底來。

三妹結褵於道州署內偶得二絕以贈

月宮攀桂出詠諧

聞妹德惠新郎用功時文好應今科吉兆試

不負平居詠絮才。蘭麝芬芳人似玉。笙

歌吹引阮郎來。

天桃灼灼月初圓。好詠關雎第一篇。從此洞房春似海。齊眉舉案繼前賢。

送三妹之京都兼寄洪弟

休將別淚灑春潮。水複山重道路遙。萬里長安一分手。天涯地角邈雲宵。

驪歌一曲別離難。月上庭花影壓欄。寄語薰風好披拂。片帆穩渡達長安。

途中得旅懷四則示洪弟

水複山重灘水邊。迢迢鄉國路三千。燈前若卜行程信。細雨垂楊鑿畫船。

祈陽舟次

欣逢歸雁聚衡陽。望美人兮天一方。但願神京烽火靖。天桃華灼賦新房。

衡陽
舟次

霜天不寐覺衾寒。枕上思親淚暗彈。鴻雁自來還自去。好將旅況報平安。

岳陽
舟次

自從一出沱江境。沱江乃江華別名愁聽漁舟笛弄三。天意似憐離別苦。布帆無恙

渡江南。漢陽舟次

茉莉

月下花開韻更揚。摘來香浸紫霞觴。露含玉蕊經秋秀。風動珠簾覺夜涼。濃艷肯同凡卉鬪。淡粧恰稱美人芳。莫言茉莉非佳品。不讓寒梅一段香。

署西傍山晚眺和舅祖韻二首

眺望陽春景。晴光接翠苔。青山環遶處。烟火萬家來。蒼翠橫空野。西山接水光。句成餘興在。待月送斜陽。

八月望日逢京兆試感懷夫子郵寄京師

三五良宵憶遠遊。桂花香信滿皇州。泥金喜報情懷急。龍榜題名願早酬。四海文人聚斯夕。一天明月正中秋。丈夫幸有英雄志。不負閨房醉遣謀。

夜泊衡陽

水闊天空波浪平。迢迢玉漏已三更。一聲長笛秋帆起。幾處漁舟野渡橫。明月有情隨我轉。青山依舊送人行。關心遊子親心切。命僕先來導遠程。

時洪弟新婚後同上道州家君遣僕來接書此以誌親恩之高厚

感念慈姑敬以四則寄呈

兩地人天隔。慈闈入夢頻。中宵明月夜。墮淚總思親。白髮高堂健。兒心一喜憂。願增無量壽。遙祝頌千秋。瞻望鄉關道。山重水複遙。願將兩行淚。揮灑逐春潮。

慈母倚門望。兒慚菽水歡。欲酬千里意。修稟報平安。

寄南平時遊學東京

前年花裏送君舟。今日花開已二週。客思偏生明月夜。吟魂常遶海天秋。懶拋紅豆歌新曲。盼盡征鴻憶遠遊。莫怪邇來詩訊少。揮毫總爲寫離愁。

又寄南平

記否同賡絕妙詞。水晶簾外燕窺時。自知吟詠無才思。慚愧教君誚妾詩。

再疊前韻寄南平

幾回珍重寫心詞。感念猶思把袂時。小院蝶飛春日永。海棠花下聽吟詩。

秋感七首

秋露花含淚。面紅機中錦。字怨東風誰家紉。弄江城笛吹落梅花入夢中。秋風嫋嫋漾烟波。獨倚闌干喚奈何。萬里月明今夜望。不知客思是誰多。

秋月飛來玉一盤。映將愁思上眉端。何時並坐紅窗下。雙對蟾光照淚乾。
秋雲淡蕩擁愁根。翠袖單寒欲斷魂。行遍中庭回首望。一簾斜月破黃昏。
秋草依然綠滿池。烟波蕩漾繫人思。江南風景猶無恙。引得王孫歸意遲。
秋日溶溶穿樹林。蘆花疑作柳花吟。茂陵酒渴多愁病。却典征裘不典琴。
秋鳥怡怡得意鳴。霓裳法曲譜新聲。桂花自是蟾宮品。一夜香風滿帝城。

時南平應
試北闕

秋思二首

碧天雲幕清小院。起秋色。當此三。五夜。纏綿何時極。
風吹黃葉下長天。一望秋。明月助清吟。獨照離人愁。

寒夜二首

更漏滴沉沉。衾寒夢不成。披衣開戶視河漢。已西橫。

北風透窗櫺。吹我酒半醒。欲將金錢卜。愁對一燈青。

盆菊

淡黃翠葉一叢叢。三徑移來畫閣東。細嚼幽香詩卷裏。冷吟佳色玉盆中。和雲傲骨迎霜秀。秋水爲神挺晚風。莫道此花開獨後。品高不與衆芳同。

春思

珠簾寶鼎篆烟微。粧罷薰香坐翠幃。一自青青芳草長。任他蝴蝶滿園飛。

冬至

林園舒暖氣。紅日上紗窗。添得一絲線。繡出鴛鴦雙。

春柳四首用漁陽山人秋柳韻

陽關三疊總銷魂。和雨和煙綠到門。碧眼乍醒詩客夢。翠眉初染曉粧痕。衣成金縷歌新曲。笛弄梅花落晚村。自是吳姬風調好。故留佳話至今論。

搖曳東風不染霜。新開畫本繪池塘。妙吟飛絮傳新句。學舞衣衫理舊箱。
池畔慣迎太液月。樽前低唱小秦王。千條萬縷鶯聲囀。烟雨濛濛護酒坊。
嬾嬾深陰妬舞衣。家藏蘇小是耶非。關山羌笛征人恨。樓閣湘簾玉漏稀。
張緒風流姿嫩。謝家吟詠絮輕飛。長堤景色渾如昨。壯志何嘗與世違。
霸橋景物劇堪憐。綠樹迷離帶曉烟。紅豆花濃歌宛轉。翠樓春色意纏綿。
風回日暖吹千里。燕語鶯啼又一年。若過隋宮尋古蹟。無言依舊映池邊。

感詠六首寄南平

南岳山高駐落暉。萬家烟火翠屏圍。蓼花紅映蘆花白。菊正黃兮蟹正肥。
焚香讀罷擁爐邊。荏苒風光又一年。梧葉滿階飛夜月。菊花盈圃傲霜天。
常聞永夜報更籌。書就平安速付郵。兒女情長志在願。教夫婿覓封侯。
寒雲片片映江濱。聊寄新詩慰苦辛。欲訊梅花開也未。綺窗昨放一枝春。

柳未舒黃草未勻登樓情景畫難真勸君努力勤攻讀及第花開上苑春
每從雲樹望京華雁渡長安道路賒聞說飛鴻傳竹報枕邊香夢醒梅花

春日登樓眺望贈族兄贊丞

在武岡州署

雲山煊爛滿都梁武岡別名應是他鄉勝故鄉待得杏林春色好東風吹送帽簷傍

何處春來先有情垂楊聲裏囀流鶯池塘草綠聯佳句愧我裁箋贈阿兄
煙霞隱約樹青蔥山帶輕雲柳帶風今日登樓同眺望可憐春滿武城中
和蔡芝軒舅祖遊春原韻

芳草煙波綠到門千紅萬紫勝仙源從今深巷陽和轉依舊桃花笑不言
小鳥鳴晴堤柳畔牧童放犢杏花村老翁杖履春光滿盡醉江頭夜已昏
武岡署後園卽景

草色遍天涯。煙波綠萬家。風回花散亂。春至雨交加。院落黃昏靜。簾櫳翠
幙遮。輕寒仍料峭。燕子入樓斜。

二月十八日曉粧卽景

一夜東風春滿庭。陌頭楊柳已青青。杏花樓上誰吹笛。莫使離魂倩女聽。
環翠樓春眺

畫檻憑高望歲華。東風和煦遍天涯。池塘夜雨添新夢。芳草斜陽有落花。
紅杏遠藏江店小。綠楊低襯酒旗斜。春回濃艷天工妙。何必隋宮剪綵誇。
春雨感懷

宿雨簷前滴。春來草木知。鴨頭新水漲。燕子舊巢移。綠柳籠烟裊。青旗傍
店欹。桃花紅似錦。芳草碧如絲。竹影搖千字。清風笛一枝。情懷思弟妹。事
業愧男兒。縱目郊原望。行踪感別離。願偕天末雁。飛夢到京師。

壬寅冬題夫子書後二首

開緘喜見報平安。寄語添衣護晚寒。書信八行情百轉。行行珍重勸加餐。
憐君愛國憂民切。欲把牢愁訴太清。酒熱中宵旋起舞。龍泉時作不平鳴。

元宵感詠二首

誇盡湖湘不夜城。一宵詩酒已三更。嫦娥如助燈光好。捧出銀盤千里明。
天街明月正團圓。燈影交輝月影寒。莫上樓頭倚虛幌。清光不照淚痕乾。

聞雷有感寄南平并序

淑懿庇蔭下。優遊自樂。幾不知有家國事。時值雷雨大作。有觸斯感。未
免有嗟我懷人之念。際此中原逐鹿。時局艱危。所願有志者嘗越王之
膽。揮魯陽之戈。俾四萬萬同胞早登衽席。念征人之跋涉。愧無以助其
壯志。爰作歌以勸之。

雷聲震。震兮天怒。方彰風雨。瀟瀟兮中心徜徉。詠懷不寐兮九迴寸腸。歎時局之艱難兮。瞻念君王。恨強鄰之逼處兮。勢力方張。幸丈夫有志四方兮。居處不遑。安得一朝而伸憤兮。復我邊疆。傾丹忱以向日兮。共整朝綱。掃浮雲之蔽空兮。振鵬翮以翱翔。覩梅花之開落兮。夢繞遼陽。望陌柳之青青兮。我心悲傷。嗟我懷人兮。天各一方。誰與旋乾而轉坤兮。佐君國之平章。願俟海晏與河清兮。思白頭以歸故鄉。

甲辰三月郵寄南平

豔陽三月。天氣晴紅。桃綠柳垂檐。明家家陌上。放歌聲。枝頭小鳥向春鳴。流光易轉。客心驚。對酒當歌。怡我情。君不見孟鴻偕老同欣欣。俱隱山中。志節清。又不見冀缺夫婦敬如賓。田間饋食餉春耕。不羨繁華富。與貴千載猶留高士名。人生窮通自有定。何必爲此名利爭。聖賢憂道不憂貧。逍

遙。世。外。一。身。輕。願。與。君。子。效。前。人。黽。勉。自。勵。志。堅。貞。相。期。偕。隱。歸。鹿。門。長。
嘯。一。聲。風。月。迎。余作此詩時正夫子呻吟牀褥時也輒遞到崇已在三七之內舉家見之莫不流涕前
首云思白頭今歸故鄉孰料歸故鄉後吾頭上戴白也後首云長嘯一聲風月迎兆在
大哭一場吾夫子一棺長蓋未見人而只有風月相迎又句云相期偕隱歸鹿門此所謂生同衾死同穴之
意也不歸鹿門偕歸墓門同一夢耳他日三生石畔未嘗不被涕相逢君既解脫塵世吾便參透禪關學三界
佛法八風不動亦君
旅京時來書所教也

哭南平三十首

聞。訃。歸。來。哭。望。鄉。千。山。萬。水。路。茫。茫。早。知。此。別。成。千。古。悔。不。當。初。學。孟。光。
六。載。鍾。情。小。比。肩。中。間。隔。絕。已。三。年。那。堪。血。淚。交。流。日。一。滴。何。曾。灑。九。泉。
儒。雅。風。流。第。一。賢。奇。懷。獨。抱。志。尤。堅。平。生。孝。友。由。天。性。那。識。顏。回。不。永。年。
在。家。聚。首。無。多。日。三。載。分。飛。隔。死。生。豈。料。竟。成。千。古。恨。臨。終。猶。聽。撫。床。聲。
夫子臨終時猶痛哭母逝兒孀妻不能面訣索紙筆書數十字云我病危永訣不能晤面
汝多活幾年則吾之名多存幾年至悲懷事望發於詩歌可也中有數字竟模糊不能辨
君。家。才。望。滿。京。師。兄。弟。相。携。自。最。宜。兄。捷。賢。書。弟。何。往。鵲。鵲。原。上。草。離。離。

憂時愛國挽狂瀾。痛哭奇才濟世難。薄命相憐淪落慣。青衫有淚各偷彈。
楓落吳江冷入神。思君才調自天真。天涯地角有時會。死別生離不見人。
湘江秋月暗傷神。欲向桃源去避秦。綠酒不辭消塊壘。慣將淚眼惹人嗔。

已亥中秋夜泊湘江聞京師有變夫子於酒後痛哭不已

一曲鸛歌唱別離。吳山楚水夢中思。傷心二月初三札。猶是殷勤寄慰辭。

三月十九日在途中接夫子二月初三日手書述老母病劇心境不佳惟囑予千萬保重云云

珍重叮嚀信八行。言猶在耳未曾忘。那堪月落烏啼夜。幾度思量幾斷腸。
辛年臥病在湘西。憔悴相如藥囊携。君病何曾親煮藥。天涯怨煞薄情妻。
年年九月製秋衣。枯杵聲中玉漏稀。今日秋衣何處寄。輸他蝴蝶夢中飛。
庚年湯餅會華筵。一室團圓樂事全。今日父亡兒已去。呼兒常繞父親前。
苦心求學渡扶桑。欲慰慈親返故鄉。奔走四方勞碌慣。征袍猶帶海天霜。

肝腸斷後。何能續點點斑斑血淚。枯今日園中千萬竹。不知也有淚痕無。
尊長相憐。撫慰頻一聞慰語。一傷神。夜臺君去。知誰慰。冷雨空山。鬼淚新。
柏舟相泛。雪盈途。唱到離鸞。萬木枯。拚命歸來。對遺像。自携麥飯。祭亡夫。
痛哭文通。運不通。斑斑淚灑。杜鵑紅。九原尚有慈親會。莫向鄉關。歎路窮。
同憐同病。更同心。恩愛情多。一往深。山水文章。詩酒友。房帷從此。失知音。
瀟湘春雨。望瀛洲。花落鵑啼。起暮愁。萬里歸家。終有路。黃泉何處。付書郵。
空房寂靜。掩柴扉。想像音容。是也。非夜半靈風。吹紙帳。總幃燈滅。不聞歸。
哭君此去。永無還。黃鵠歌成。淚自潛。忍聽烏啼。兼泣血。吟魂欲化。望夫山。
每思作誅腸。千轉事。到於今。萬念灰。姑逝兒殤。形影隻。願隨夫子。入泉臺。
憶昔良辰。斗酒攜竊思。舉案與眉齊。而今梁上呢喃。燕地下人間。各自棲。
忍使我親。淚暗揮。最憐弱女子。無依迢迢。今日瀟湘路。盼斷瀛洲音。信稀。

煮茗抽書理瑟琴。相期共賦白頭吟。回思往事皆成夢。欲問鴻都何處尋。
好學頻年刻苦思。修文天上幾星期。從今失去煙霞侶。愁聽春山叫畫眉。
青衫淪落竟如斯。太息奇才不遇時。萬卷遺書人去杳。空留殘稿付嗣兒。
扶病傷心賦悼亡。一燈如豆助淒涼。言雖有盡情難盡。墨點千行淚萬行。
暫別同心實可憐。尙期同穴合千年。知君待我三山畔。再結來生未了緣。
古人云一日不見如隔三秋。今一別千古。竟不能當面永訣。又不能見之於夢。飲恨終身。君其知乎。否乎。豈尙相憐惜不。忍以夢中之夢。使我淚流無盡時耶。抑陰陽相隔。竟不能通一線之幽魂耶。臨風揮翰。聊以發九原之一涕耳。

追悼二首

我今無路問泉臺。觸目驚心總是哀。環海潮聲隨淚下。長天雲氣擁魂來。
楚吳相隔留遺憾。書卷飄零半是灰。聽說臨終書一紙。恨逢萱萎與蘭摧。
昔年奮志覓封侯。豈料今朝土一邱。浪跡天涯悲往事。文章薄命歎浮沍。

生兒不育。成長恨慈母相逢。話鬼愁空負奇才。空負志人間。天上淚痕流。

感懷四首

才華曠達九州橫。欲望青雲助壯行。常憶小窗花月夜。私斟杯酒送征程。

壬寅三月初一日花前祖
帳酌酒送行愈飲愈壯

求名未得命先捐。志士難逢俗有緣。萬苦千辛拋卻去。九原回首淚潸然。
雨雨風風總黯然。夜深鬼哭草堂前。知君魂魄猶相戀。靈爽歸來九月天。
愛河苦海兩悠悠。含盡人間萬斛愁。襤被歸來因母病。滿腔憂憤付東流。

癸卯九月十一
接母電馳歸

週期日感悼五首

夜臺消息未分明。君死緣何我獨存。說與傍人猶悼惜。那容血淚不成痕。
元旦夢中鸞鏡破。明知惡兆讖離奇。可憐血淚千行字。吾死何人作輓詞。

甲辰元旦夜
夢粧臺鏡破

往年問字意殷懃。今入泉臺哭不聞。燈影書聲都化却。滿爐剩有紙錢焚。
去年今日臨大難。腸斷吾夫哭母時。西望湘南愁更絕。苦無人與慰寬辭。

夫子於母喪後哀
毀過甚相繼而亡

淚珠洗面中宵醒。倏忽週期似昨喪。悔煞天南與地北。未曾奉藥進茶湯。

讀報有感

我亦國民一分子。莫教弱質語同論。願將一掬維新淚。喚起同胞愛國魂。

乙巳三月接奉 家君手諭賦此寄呈

三千里外憶高堂。寤寐縈思感慨長。誓掃浮雲休蔽日。撥開層霧望瀟湘。
家君作宰本循良。簞食壺漿祝道傍。偶遇時艱遭俗嫉。自然水落石生光。
萬水千山別恨長。弟兄南北各他方。遙遙西向瀟湘日。願祝雙親福壽康。

乙巳重九日示祥兒二首

憶汝十二歲。我始初見時。相隨無別好。即知愛書詩。依依尊長前。道矩且循規。嬉時不苟笑。出言吐奇思。汝叔喜謂予。此子非凡兒。我意亦欣欣。渾如掌上珠。游湘已三載。事變多離奇。汝叔猝然背。使我心中悲。黃昏風雨夜。挑燈淚暗垂。親朋相悼議。承祧汝爲嗣。我雖遭不幸。藉以聊慰斯。

聖賢志於道。所憂不在貧。不義富且貴。視之如浮雲。顏子在陋巷。簞瓢意欣欣。希文志天下。蠶粥味津津。況乃世多故。眉禍迫瓜分。苟無卓然志。安保自由身。願汝勤苦讀。努力振精神。光陰惜分寸。學界求維新。不羨官一品。願爲第一人。他年濟國用。壯志一朝伸。上以報君國。下以慰二親。斯言永勿忘。莫誤在青春。

悲秋

木葉脫兮。雁南飛。秋風蕭索兮。淚暗揮。梁木壞兮。哲人萎。生死隔兮。永別離。條有聲兮。響總幃。痛定思痛兮。嘆無依。強鄰四逼兮。國事日非。安得猛士兮。解勢力之範圍。恨弱質之不能伸志兮。傷漆室之空悲。詠瑞蘭吟之憂憤兮。憶吾夫子之先知。昔者指爲狂言兮。今竟何如。庚子拳匪亂作余適竄待江華時署中蘭花盛開有一朶而放九瓣者。諸慕友作詩歌以饗。敝昇平獨夫子以爲吾儕遭此奇劫。宜痛心之不暇。更何忍作此門面語耶。痛英雄之早逝兮。今之識時務者。其誰悲雙兒之羽化兮。如拔心之卷施。嗟後顧之茫茫兮。感百憂之交迫。覽時局之多艱兮。哀知音之永隔。吁嗟睡獅之沉沉兮。諸事不能改革。誓將倡此女學兮。振同胞之饑溺。魯陽揮戈返日兮。媯皇補天而鍊石。奈百病之纏身兮。中夜起以自責。安能釋吾之病痛兮。達吾期望之目的。畢吾夫子未竟之志兮。庶幾慰泉下之感感。

狂言偶爲懣愁文。未負初心迴不羣。若遇瓜分亡國痛。何妨玉石與俱焚。
由來多難病臨身。未竟夫君志向眞。吩咐嗣兒勤苦讀。青燈黃卷課書頻。

感懷二首

誰言薄命是紅顏。我不紅顏命亦艱。忍見遺書堆滿篋。未開先灑淚痕斑。
生離死別夢難通。無限傷心感慨中。客去春殘花又落。柳綿飛盡怨東風。

式微八章

式微式微胡不歸。淒涼天末起風悲。時光倏去猶無會。秋蝶西園故故飛。
式微式微胡不歸。景陽宮殿景全非。可憐老盡秋風裏。零落人間車馬稀。
式微式微胡不歸。爲誰遺恨到蛾眉。女權沉沒何人倡。黑闇年年弄是非。
式微式微胡不歸。江干都是釣人磯。祇因秋老西風緊。天下羣興宋玉悲。
式微式微胡不歸。重重簾幕影低迷。熟酣鼾睡黃梁夢。減盡清輝君不知。

式微式微胡不歸。利權失盡困範圍。女兒也有興亡責。願把金戈挽落暉。
式微式微胡不歸。山殘水賸總堪悲。民脂民血搜羅盡。一供他人飽食肥。
式微式微胡不歸。萬千憂恨訴與誰。願將一掬新民淚。灑向同胞姊妹知。
感懷

雖遭顛沛流離境。志節何嘗遜大家。漢月有情照肝膽。冰天且自鍊丹沙。
痛鋤非種爭棋局。清議潮音覓紫蛙。最恨西風惡無賴。年年摧折國民花。

乙巳除夕隨筆書感

視彼夢夢者。嬉嬉過新年。天胡此醉衆莫醒。使我思之獨黯然。自從吾家
志士入黃泉。抱此憂憤恨無邊。平生豈肯受人憐。惟有風霜知我堅。頻將
血淚灑靈前。空房寂靜一燈懸。朔風吹雪大如拳。俯仰身世不成眠。雙親
遠隔吳楚天。兩地相思心掛牽。未將溫清子職全。但願瓜瓞祝綿綿。同胞

弟妹隔山川。燕北瀛東。雁影單。何時相叙共盤桓。鍊將奇骨話時艱。結我二百兆之團體。復我四千年之國權。誓爲英雄造時勢。精衛願將滄海填。

次施南王女士蓮雜感韻七首錄五

惆悵天顏不忍開。暮年風景怕登臺。可憐應對無奇策。亞雨歐風捲地來。燃眉禍急瓜分苦。束手無形便作奴。痛哭狂呼諸姊妹。力將大厦快支扶。聞君憂國幾經年。爲製絞綃拭淚涓。輸入文明新世界。愧他脂粉鬪花鈿。願救衆生超濁海。挽回亘古女權卑。莫言保國非我事。誓起翻飛廿紀旗。苦海冤沉弔國民。天花天女悟前身。西風不把殘年送。豈必黃人讓白人。

尙志女塾成立喜詠二則

莫嫌環海小瀛洲。女學昌明改革優。寄語我崇諸姊妹。好存家國在心頭。祝我嬋娟女國民。千金尊重自由身。洗除脂粉閨中氣。應識本來面目真。

放足會二首

國禍年年感慨多。翩翩齊唱自由歌。他時衆志成城日。世界嘻嘻說共和。千年積習幽囚久。今日欣將大會開。莫渡如來寂滅海。不妨齊向愛河來。

哭亡嫂李安人三首

烏啼。月。落。夜。聞。鐘。地。下。人。間。隔。萬。重。忍。見。伶。仃。兒。女。輩。嗚。鳴。私。泣。繾。綣。中。妯。娒。同。居。共。四。人。閒。時。相。聚。復。相。親。而。今。粧。閣。誰。携。手。怕。見。靈。前。紙。上。眞。三。年。情。義。兩。依。依。回。首。談。心。事。已。非。木。落。一。聲。秋。雁。過。傷。心。何。處。賦。魂。歸。

補錄途中聞夫子訃

耗驚霹靂當頭打。含淚倉皇別二親。不解女兒成薄命。癡情還望信非眞。

噩電到寶慶時會家君外出僕人將電直送余處成君回暗責僕人以假電慰余余亦夢想或電碼有模糊耳

三十初度二首

虛度光陰三十年。輓詩翻在壽詩先。當時勸酒何人在。剩有空房泣杜鵑。
衆人皆醉我獨醒。彈盡殘棋恨不平。更把離騷助憂怨。五更風雨打窗櫺。

示女弟子二首

愧我乏才無善誘。視君肝膽亦英雄。千紅萬紫花開日。男女平權演大同。
將來教育望羣賢。濟濟咸明自主權。但願爭存天演界。任他歐美着先鞭。

補錄壬寅春

家君北上弟妹輩隨侍入都感賦一律

相送高堂觀紫宸。峴帷話別趁芳辰。雁飛天末心驚戀。鶯囀皇州柳色新。
南楚民情如望歲。春陵人盼再來春。慈雲冉冉征途遠。久鍊原多閱歷身。

丁未清明偕全體學生登金鰲山二首

春光絢爛滿瀛州。海色連天縱遠眸。村樹低迷鶯亂囀。金鰲無語看潮流。
春草春花相送迎。金鰲山上夕陽明。此遊也是人間樂。敢道潮平意未平。

示諸生二首

欲爲衆生謀幸福。頓將熱血灑穹蒼。何時造出維新業。銅像長留一瓣香。諸君個個尙維新。結起同羣骨肉親。努力關心天下事。江山何忍送他人。

病中雜感二首

蕭蕭風雨助淒涼。病骨支離獨自傷。常憶當年携藥裹。頓教苦藥化瓊漿。滿腔酸淚憑誰灑。貧病相憐互解愁。一度回思一腸斷。至今萬念在心頭。

夜夢夫子

屈指生別三年死別五載昨夜夢中淒然相對不發一語醒而生感

悠悠生死別多年。魂夢何曾不掛牽。聊想九原同病者。也應念着淚潸然。見夫子遺像

夫子安葬

珊瑚胡服是耶非。化鶴多年影不歸。惟有寒山與秋水。剩君顏色在房帷。

轉眼。居喪服已除。空餘落月照邱墟。此身亦算安排定。孤塚營成近草廬。

丁未赴湘省親夜泊洞庭感賦三首

千里思親獨遠遊。子身且上洞庭舟。不堪猛憶從前事。湘水無情只自流。
蕭蕭落葉漾煙波。重過湘江喚奈何。極目天南秋色遠。峯青月白弔湘娥。
子規叫斷黃陵廟。地老天荒愁煞人。若過湘江重泊處。更應顚顚領伴靈均。

抵長沙

官清難得遭三黜。留待奇才晚合成。婢女迎門堂上笑。且斟杯酒慰衷情。

家君抱屈被參時。洪弟遊學東瀛。三妹適宦京師。余恐二大人憂鬱。夏假後赴湘省視嗣。即隨侍到申。二大人亦以余自夫子故。後初次赴湘。恐動余感情。途次笑而問學堂中事。且命余斟酒承歡云。

自長沙隨侍起程

行裝只帶舊書琴。留得湘民遺愛深。
家君所宰之處。皆有德政碑。處處絃歌頌德政。兒家清

白有徽音。
家君幼孤。常聞老前輩云。先大母最重家庭教育。常將兆槐公之餘訓以訓家君。是以家君作宦十餘年。惟以清慎勤自勵。湘紳爲刻輿誦錄存。并有春陵沱江南處唱和集皆

事實也

月夜重過漢陽

迷離一帶漢陽村。楚客悲傷有淚痕。黃鶴樓頭今夜月也應照我舊吟魂。

九江舟次

山含黛。色塔蒸霞落日銜。山噪暮鴉。楚尾吳頭好風景。收將資料入詩家。

金陵懷古

霸業銷沈一代中。元黃血戰總成空。卽今揚子江頭水。嗚咽年年只向東。

重登虎邱山

十五年前此地遊。一家蕩漾五湖舟。依稀曾記兒時句。獅子回頭嘯虎邱。

曾記於十五年前全家赴蘇掃墓偶遊虎邱山家君笑指獅子山云有獅子回頭望虎邱之說余卽應口答曰何不真將此獅子喚醒以嘯虎邱耶

送亦民姊隨宦京師四首

帝里風光雖是好。雁行分手想堪憐。鵷歌一曲人千里。從此梅花夢裏牽。
徽音已布一堂中。善誘循循慎始終。的是老天破常例。清才濃福兩相逢。
記不同堂相叙日。西窗剪燭共盤桓。忍教薄命成惆悵。桐樹心孤雁影單。
女權唱和少知音。愁病於今益轉深。弟子不知緣底事。座傍來問淚涔涔。

九月初五夜作二首

秋來何事不關情。滿院風光夜氣清。佳句偶從忙裏得。閒愁每向病中生。
蕭疎梧葉飄飄下。懊惱蟲聲唧唧鳴。獨倚暮寒轉惆悵。一簾新月爲誰明。
年華荏苒催人老。後日茫茫獨自愁。賸有熱心酬女界。可憐往事滿心頭。
雁聲嘹唳秋光冷。菊影橫斜夜景幽。怪煞小鬟不解事。故將歌調隔簾謳。

初六夜枕上口占

轉輾中宵不寐時。課堂清寂漏聲遲。班昭有志奇書續。長吉無年宿草悲。

千里思親殘夢遠。一身多病早秋知。更深得句憑誰賞。門外風霜伴作詩。

初七夜卽事三首並示鳳嬭鳳如姪女

一卷唐詩遣九秋。金爐香燼報更籌。愛他明月樓頭照。風定簾高不下鉤。
天光雲影共徘徊。一片書聲風送來。喜爾自知勤學業。本來雛鳳有清才。
海棠穠艷菊花黃。

張寄女光亞移海棠菊花至乞余作詩

靜置瓶中助夜光。授課時多暇時少更。

何心緒弄詞章。

與張蘭秋表妹夜話二首

偶訴幽情共倚欄。一身多難復多艱。不堪提起興亡事。月上高樓夜色寒。
滿庭秋色近重陽。露冷更深月轉廊。愁絕不知衣袖薄。依然閒坐話滄桑。

己酉元旦寫懷二首寄都中三妹兼示亦民族姊

朔風吹動凍梅開。香雪霏霏撲面來。雁序離羣勞夢想。魚書披讀幾經回。

無多骨肉酬新歲。大半光陰付劫灰。閒聽鐘聲無一事。客窗隨意理書堆。
旅館淒清對短燈。墨池微聚水凝冰。詩因多病吟來減。酒爲澆愁醒後仍。
壯志未曾酬。夙願寸心常愧少。才能劇憐姊妹天涯隔。盼斷寒雲路幾層。

春日雜感二首

往事何堪憶。春來百感并。東風吹舊恨。雛鳥弄新晴。自昔名心淡。於今意
氣平。梅花開似雪。清寂伴孤檠。
意弟千行淚。
千行淚。憶弟思親萬里程。淒涼情百轉。寂寞月三更。小院花香送。高樓夜
色清。秦嘉歸地下。哀絕不成聲。

憶昔

憶昔湘中日。蘭閨樂趣眞。山看衡嶽曉。舟泛洞庭春。煮茗論文夜。裁箋覓
句晨。舊遊如一夢。回首暗傷神。

二月初九日先姑忌辰設祭於城外寒山寺書此誌感

強起吟詩半血痕。春花春草總銷魂。當年視膳羹親奉。今日開筵淚暗吞。
家範常遵忠孝訓。冰心不礙鬼孤喧。恨兒薄命多磨折。辜負慈姑莫大恩。

十五日亡夫忌辰設祭於寒山寺感賦二首

天自春陰我自傷。思量無計問穹蒼。淚添二月三更雨。名想千秋一瓣香。
薄供肴蔬留紀念。偶因霜露感淒涼。歸來九曲迴腸斷。營奠營齋總渺茫。
祭罷歸來欲斷魂。自拈斑管寫愁煩。詩吟短句兼長句。淚濕新痕續舊痕。
小院幽花香黯淡。曲廊斜月正黃昏。九原若訊春消息。冷雨寒梅靜閉門。

湘痕吟草終

女弟子

徐漱蘭
瞿詒芬

盛德芳
凌湖昭


徐珍
張光亞

校字



宣統元年三月初版

(湘痕吟草一冊)



著者 崇明 蔡施淑懿

印刷者 上海 文明書局

發行所 崇明 尚志女塾

